

春秋左氏傳地名補注（二）
春秋楚地答問



春秋楚地答問

易本煊 撰

中華書局

叢書集成初編

春秋左氏傳地名補注（及其他二種） 二冊

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

春秋楚地答問

此據湖北叢書本
排印初編各叢書
僅有此本

春秋楚地答問

清 京山易本煥撰

問漢東之國漢陽諸姬係何國名今在何地

答曰漢水行至襄陽其勢漸折而南至天門又漸折而東折而南下者以東西爲界折而東趨者以南北爲界山南曰陽水北曰陽漢陽者謂漢水之北也以春秋傳考之西自漢水以東南自漢水以北東至于光黃北至于淮汝此百千里中小國皆楚之屬也其有名可記者曰唐在今棗陽縣東南境曰厲卽賴今隨州北境曰隨是爲漢東大國其地有瑕有速杞有澆水卽今隨州曰貳其外有三關在今應山曰軫當卽京山東北境曰鄖其地有豫章有清發水有蒲騷卽今德安府治曰黃今河南光州接黃州地曰弦今蘄水縣境自東北而極之曰申曰息以及江道柏沈諸國在河南汝寧府者皆是而申息尤爲楚東北之屏障也由鄖而南曰邳則雲夢孝感漢川天門京山接壤處皆是也若自漢水以南無國名可考見于傳者惟夏汭漢大別小別等山水名耳蓋皆古雲夢矣

然則今之安陸府當屬漢東何國

答曰安郡在春秋時無國名以傳考之今府治則郢郢也昔吳白華有此說而非始于吳明史地理志已先言之矣傳桓公十一年屈瑕將盟貳軫鄖人軍於蒲騷將以隨絞州蓼伐楚師鬬廉謂莫敖君次于郢

郢以禦四邑。考紱在今鄖陽境，爲楚西州。在今監利，爲楚南。蓼在今河南鄖州之南，爲楚北。隨爲楚東。郢適處四邑之中，故鬬廉畫策如此。莊四年，楚武王伐隨，卒于櫛木之下。今鍾祥城東有櫛木山，卽其舊址。見太平寰宇記自郢濟漢東至隨，郊郢爲必由之道，故此傳下遂言會于漢汭。濟漢而後發喪也。莊十九年，文

王伐黃，還至湫，有疾，湫在鍾祥北。杜注言都縣東南有湫城是也。其北又有若敖之地，有桓八年，楚合諸侯于沈鹿，黃隨不會。沈鹿蓋亦近地。定四年，昭王奔隨，涉成臼，白水出聊屈山。今之臼口以下卽其地。昭十三年，蔡公棄疾次于魚陂。魚陂在今天門，此皆據杜注而可知者。惟京山一縣無考。然據傳文亦有可證者。屈瑕將盟貳軫，貳國傳說彙纂謂在隨應之地。軫國通志以爲在應城縣西。夫應城縣西非京山而何。屈瑕之盟貳軫，將以翦隨之羽翼也。應山、京山，鄰隨之地也。至蘄澨、雍澨，亦當卽京山天門接壤處。故曰安陸府所屬鍾京天三縣皆郊郢。

然則何以名郊郢也。治此地者何官。

答曰：楚之始封在今歸州。後徙枝江。文王又徙江陵。傳稱郢者是也。後昭王遷今宜城，曰鄢郢。戰國時又遷今安徽壽州，曰東郢。蓋郢爲楚都通名。此地名郊郢者，以其屬楚之近郊，而被以郢名，重之也。何言之。傳稱先君蚡冒服陘、隄，爲今河南鄖城地。楚之先世，雄啓南服，威勢先及于東北。武王時屢欲翦除黃隨，專注意于漢東。郊郢之地，爲往來孔道，朝發夕至，不啻近郊。王屢親行，軍旅頓宿，宛然離宮別館，故重其地，加以郢稱。若後世之有陪都耳。且傳自郢都而外，唯此稱郢。楚郊亦止昭十三年傳中一見。傳言靈

王在乾谿。公子比等作亂以入楚。及郢。蔡公棄疾使人先入殺太子祿。以公子比爲王。次于魚陂。夫棄疾爲蔡公。由蔡入郢。必經郢郢。又不遽濟漢。而次于魚陂。然則此郢也。非郢郢而何。靈王旣聞亂。師及訾梁而潰。子革請王待於郊。以聽國人。亦謂郢郢也。至治此地官。前俱無考。此傳中王奪成然邑。而使爲郢尹。杜注。治郊大夫。此其人耳。

然則以蘧澨雍澨爲在今京山天門接壤地。信有徵乎。

答曰。三澨見于禹貢。注釋家言人人殊。迄無定解。玩禹貢經文。上承滄浪。下接大別。則自襄陽以下。凡漢水所經過近地。皆以澨名。古今地勢變遷。楚地澤陂廣遠。焉得一一確指某地爲某澨乎。第卽傳文所載。考其形勢。亦可想見者耳。如文十六年傳。伐庸。次師之句澨。此楚之西界。宣四年。滅若敖之師于漳澨。此漳之水濱。皆于三澨無涉。惟蘧澨。雍澨。爲三澨中之一。然杜注亦只言地名耳。昭二十三年。吳諸樊入郢。取楚夫人司馬蘧越。追之不及。乃縊于蘧澨。郢爲蔡地。在今河南汝寧府。楚適蔡。必經漢東。則蘧澨料在今由荊門渡漢水。取道京山西南境可知。定四年。柏舉之戰。吳從楚師及清發。繼以敗諸雍澨。五戰及郢。司馬戍出三關外。及息。聞楚敗。乃還。追敗吳師于雍澨。傷而死。難及秦師救至。吳又敗楚于雍澨。雍澨凡三大戰。始爲吳師。由安陸縣而西。追楚師。繼則司馬戍自應山隨州而追敗吳師。終則秦師自郢東追吳師。其往來行蹤。歷歷如繪。細覈前後所經地名。則雍澨爲京山西南天門西北接壤之地無疑。然則雍澨在京山爲當年古戰場。左司馬致命之地。尤不可不表而出之也。令京山西南有司馬河。卽以左司馬皮得名。奉天府志以爲三澨之一。凡此實

無明文。惟讀經文而意度之。亦非無稽耳。
問。若敖二字何解。

答曰。自來無解此者。若敖。蚡冒。杜注。謂皆楚之先君。城濮之役。王與子玉以若敖之六卒。杜注曰。若敖。楚武王之祖父。葬若敖者。子玉之祖也。據此。則若敖是地名。先君所葬。猶後世稱某陵。而後遂以爲族氏也。第此地未詳何在。竊疑敖爲水名。水經注有之。在今鍾祥北境。俗名直河。西魏時置激水縣。卽此也。因疑若與郢通。漢書地理志。若。屬南郡。春秋傳作郢。郢在今宜城境。若敖。蓋合一地一水而名之。其爲郢之。地亦無疑。因是而推。莫敖一官。恐亦因此而名。莫有定靜之義。爲先君葬地守官。亦未可知。至楚之未成君者曰敖。如堵敖。訾敖。郟敖。則別是一義。

問。漢東之國隨爲大。其次爲誰。

答曰。其次則郢也。觀桓十一年。鄭將以隨絞州蓼伐楚。方楚盟貳軫。所以翦隨之羽翼。郢有唇齒之虞。而能號召四面諸國。共敵彊楚。其志亦不小矣。

問。隨自僖二十年叛楚。此後世服於楚。昭十七年。吳楚長岸之戰。隨人爲楚守舟。定四年。隨有存楚之功。後遂列爲諸侯。隨蓋與楚相終始也。郢之見滅。當在何時。

答曰。傳無明文。第以僖二十年。隨以漢東諸侯叛楚觀之。郢當尙存。至成七年。傳始有郢公鍾儀。以此推之。郢之滅。當在此數十年間事。郢既滅後。卽以此地爲東北要地。故特設官。蓋楚重地。縣尹皆稱公。如葉

公、商公、期思公、申公、息公等是也。其後有鄭公鬬辛。

問：莊四年楚鬬祁與隨人會于漢汭，杜注謂是漢水西，然否？

答曰：此在漢水東也。水曲曰汭。从內字兼義聲。案是時鬬祁祕王喪，止郊郢不行，而除道梁塗，故張聲勢以懼隨人。會於漢水之內，乃濟漢而後發喪，情事如此。如云在漢水西，則下文不得復言濟漢矣。

問：豫章之名見于傳者不一，後世專以江西爲豫章，考之春秋，應不在此，確在何地？

答曰：杜氏注及顧棟高春秋大事表辨之詳矣。蓋豫章本楚樹名，哀十六年子期抉豫章以殺人，是也。亦卽爲水濱地名，與雲夢皆隨地而得名者。茲以傳考之：豫章有三地焉。如昭六年令尹子蕩伐吳師于豫章，而次于乾谿，昭十三年楚師還自徐，吳人敗諸豫章，定二年囊瓦伐吳師于豫章，吳人見舟于豫章，而潛師于巢，案乾谿在今安徽亳州地，徐爲今徐州府，巢爲今巢縣，此三傳中所言豫章，乃今廬州府汝寧府淮水左右之地也。昭二十四年越大夫勞王于豫章之汭，此一豫章應在今江西饒廣之地，後世以江西爲豫章，實由于此。若昭三十一年吳師圍弦，左司馬戌救弦，及豫章，吳師還，定四年柏舉之戰，吳舍舟于淮汭，自豫章與楚夾漢而軍，則在今安陸縣之東也。故杜氏於此傳特注曰：豫章，漢東江北地名。圖經云：豫章卽今之章山，輿地紀勝云：章山在今安陸縣東三十里，是皆足據。蓋弦爲今蘄水境，今河南光固正淮水經過之處，故知此豫章爲楚地也。

問：方城。

答曰。屈完言楚方城以爲城。杜氏謂方城山名。在南陽葉縣。蓋依此山爲城。爲楚北境門戶也。葉又在方城北。與許陳蔡接。東抵淮潁。通名曰方城外。昭十八年。王子勝言葉在楚國。方城外之蔽也。哀十六年。白公作亂。葉公在蔡。方城之外。皆曰可以入。昭九年。靈王遷方城外。人於許。定四年。司馬戍悉方城外。以毀吳舟。哀四年。司馬販致方城之外。于繒關。驅役遷徙。民亦勞矣。考晉楚交戰。俱在中原。晉有侵伐。不過方城南一步。文三年。陽處父伐楚。門于方城而還。襄十六年。晉師侵方城之外。適是而止。若吳之五戰及郢。直入楚都。從來所未有也。庸亦有方城。

問申息。

答曰。息滅在莊十四年。申滅未詳何年。然莊三十年。有申公鬬班。子穀曰。文王實縣申息。是申滅在息前也。自是爲楚東北要地。文十六年。庸麇叛。楚申息之北門不啓。以備中國。其縣尹皆稱公。與期思、葉、商、析同。申公鬬班後。有申公子儀。申公叔侯。申公巫臣。申公子牟。申公壽餘。息自息公子朱子邊後。不見稱名。蓋文三年以後。併爲一官矣。方城外人只供役使。申息則有兵調。僖二十五年。鬬克以申息之師戍商密。城濮子玉師敗。王曰。其若申息之老何。謂申息子弟從軍死也。成六年。晉侵蔡。公子申。公子成以申息之師救蔡。是申息爲楚邊兵。有事北方。則徵調之也。

問武城。

答曰。楚之武城。在今河南南陽府城北。又在方城之內。乃楚君有事北方駐次之所也。觀僖六年。蔡穆侯

以許僖公見楚子于武城。成十六年。鄭叛。晉子駟從楚子盟于武城。襄九年。楚子師于武城。以爲秦援。與武王時郊郢相似。昭四年。靈王會諸侯于申。田于武城。曰。屬有宗祧之事。蓋田獵爲祭而備。是武城有楚先君之廟在也。莊王郊之勝。河上亦有楚先君宮。則不詳所在耳。其大夫則有武城黑。見于定四年。武城尹公孫朝。見哀公十七年。